

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報照加寄費可
也除日報照常刊送外復不
惜工本從英國採辦新式

紙各機器以待與各官商
刊印書籍單件並有英國各
種活字及各式花邊等延有
西人操印工藝甚精所有中
西文字均能翻印並有石版
印字大小機器均用精工翻

叻報

號四廿第牌門口虱巴舊在設開館本

印工銀絕倫並延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬屬成文以及支離贅辭者概不登報嗣後 諸翁來札尚祈自諒更須寫真爵里而後敢登但來稿登與不登均不能將原稿收回也 本館謹白

戊子二月廿八日

大英一千八百八十八年四月九號禮拜一 凡告白第一日每一字仙二日以下每字半仙 每月閱報銀一元每日售報五仙

論澳門盜案

觀昨報所錄鏡湖盜案不禁歎堂堂澳門竟作羊城遁逃之藪賊污納垢實有自來然非葡官委靡不前姑息養奸亦易至是耶查澳門一地葡人入居最久於有明中葉遂航海而來初以租地爲詞時中國方侈志綏猷念此瀕海邊疆無關輕重因遂任其居住迨積既久而根蒂漸固邇時雖欲將其驅逐而不能故終明之世而未嘗過而問之迨及我朝則爲政皆以寬大爲懷且可圖之事甚多又奚暇計及於斯故至於今澳門仍爲葡屬乃葡人不惟不知戴德而且每事貽害中朝如中國禁賭羊城各館爲之肅清乃澳門即乘此機大開賭博且設立餉碼招集匪徒以至遠近相從起而聚賭甚即閩姓一項自省垣嚴禁後而澳門又復招商充辦公然收其重餉以至四方之民趨之若鶩紛起澳門投買而此中華民受其隱害之處實多其所恃者無他因向未嘗與中國立約通商故敢任意爲之諒中國無從過問耳在中朝亦明知其意是以以前年有索回澳門之議葡人懼始請與中朝立約然則既定約條以後卽爲與國諸事宜互相謀畫以聯與國之情不意葡人至今仍未嘗稍存一中國之念在於胸中卽其容納盜匪已可概見然是又無怪其然者蓋葡人政治蔽蔽不堪廢弛良多紀綱不振故諸盜頗輕視之其有在中國地方犯有重案華官搜求既無地能容往往逃諸澳門遂得置身事外且其寶澳後未必洗心革面安分營謀乃復故態依然每爲不法蓋澳門地瀕洋海則海寇出沒尤爲利便是以萑苻之輩多藉此以藏身而葡官則惟知聚斂理財於此事毫無察覺卽或知之亦將置於不問故匪徒心有所恃其醜益狂卽如是歲元正鏡湖醫院有某醫師出門拜客乃亦爲匪徒所劫以致資財衣服亦爲之搶括一空嗟乎盜之狂肆一至於斯則其地藏匪之多已可概見卽如今日之案所稱海洋巨盜其聚眾竟至百人則黨羽之多實堪令人咋舌向來劫匪亦不至如是之多且竟敢抗拒緝捕之船並將管帶之官鎗傷斃命此其兇醜實不殊於謀亂是固不可以不防也所可恨者葡官於此等盜賊自行辦理並不送回華官於理實有不應蓋盜爲華人且劫華巡船斃華管帶則此案須歸華官審決始昭平允今爲中國有司計宜卽照會葡官索此犯人解回羊城交中國有司細爲審訊庶能澈底查究搜求餘黨暨絕根株且更有進者近來海寇往往匿於澳門其所恃者澳地之與羊城未立有互捕匪徒之約則盜匪之遁往澳門者華官罕爲過問是宜委員與澳督熟商訂立互捕之條倘有華犯逃至澳門華官偵知卽通知葡官一體嚴緝送回羊城究辦而澳犯之送回羊城者亦如之此約既定則更密派精細之員數人潛赴澳門以查匪踪踪跡既有所得卽立通知葡署按名指捕解往羊城更復派一二戰船在澳門海面四行巡緝遇有盜船出海則跟蹤而緝捕之如是則出海之盜既有難逃而伏處之盜亦難倖脫是亦未始非清盜源之一法也民之父母尙其鑒諸

諭旨恭錄

○二月初四日奉

上諭潘蔚奏

頓吏治分別舉劾一摺貴州署糧儲道候補道儲

裕立署貴西道候補道袁開泰補貴東道貴陽府知府員鳳林安順府知府蒲陵枝清平縣知縣趙日源前署貴筑縣知縣截取試用知縣任堯署貞豐州知州試用知縣鄧嘉纘試用知縣呂綰光擬潘靈臚列該員等才識吏治均有可觀爲貴州出色之員著潘靈臚令該員等益加策勵勉爲循良毋得始勤終怠獨山州知州寶耀下江通判姚善澍安化縣知縣鄧善輝辦事竭蹶均着開缺另補著定縣知縣彭健清天柱縣知縣廖鍾伊才具平庸惟均係進士出身文理尚優着以教職鄧部銓選白層河釐局候補通判王懋祖善於舞弊惟利是圖着卽革職委辦黃草場釐局候補知府何湘澤任聽巡丁舞弊短收甚多且疏懶性成難

法京電報 ○廿四日法京發來電報云現法京諸人已舉定美倫充議政院首領人員惟投票公舉時有議員名吉利文壽者諸人所舉之票與美倫同惟美倫則德俱尊且久任議員資格甚優以故仍推美倫以居首席也

英京電音 ○前者英皇出遊意國邊境情形業據電音刊報茲接廿四日英京發來電報謂現意王聞英皇遊旌到境因借其后往為拜謁而英皇於歸途之便順道往德即謁德皇此緣愛婿情深所以往為探視也

蘇丹電耗 ○廿四日英京發來電報云蘇丹假聖之亂晝夜籌兵在華厘下路花及亞蘇罕地方屯聚賊勢之披猖若正不知何日方抵昇平也

王子出遊 ○西人最尚壯遊即貴介王孫亦常馳瀛海之觀以資閱歷現奧國戰艦薩沙納奉命出巡途中載有某親王遊遊亞細亞洲該船不日即能抵叻矣

英華船抵叻定期 ○刻接前途發來電耗言英國郵船名答羅亞已於本月廿三日由高浪務地方展輪來叻定於三月初一日禮拜三即能抵叻上落客貨畢旋即展輪往香港上海等處茲特錄報以聞

奏疏照登 ○前者本報曾將西報所譯粵督張香帥奏委委員查探南洋情形請在小呂宋先設總領事官一摺轉譯華文登報惟轉譯則文中義未免稍歧茲得友人寄到香帥原稿一件爰重為照登以供眾覽焉 兩廣總督臣張之洞跪 奏為派員訪查南洋華民商務情形擬在小呂宋先設總領事官以資保護並籌計一切經費恭摺具陳仰祈 聖鑒事竊臣於光緒十二年二月廿五日遵 旨會同出使大臣張蔭桓具奏籌議外洋各埠船護商情當經奏派總兵銜兩江儘先副將王榮和鹽運使商銜候選知府余瑞先赴南洋有各諸島詳慎周歷將設官造船兩事一併密加商度以憑籌定切實辦法等因奉 旨該衙門知道欽此當經總理衙門電致駐英荷日使臣轉告該國外務部去後該委員王榮和等於十二年七月廿七日由粵起程先後往查各島情形均經隨時稟報頗為詳悉本年七月各回粵東臣復面加考詢大抵設立領事一節事甚切要勢亦可行謹擬其大要為我 皇太后 皇上陳之查該委員等所歷南洋計二十餘埠先至小呂宋為日

斯巴尼亞國屬次新嘉坡次麻六甲次檳榔嶼次仰光皆英國屬次日理次各附屬次加拉巴各附屬次加拉巴次三寶壟次三寶壟各附屬次泗里末皆荷蘭國屬次新金山之林打穩次雪梨次美洲次亞都律皆各附屬次次司倫倫次司倫倫各附屬皆英國屬其抵小呂宋也華民分訴日人虐害情形懇請派官保護自籌經費該處華民五萬餘人貿易最盛受害亦最深該委員等詳查被害各案或挾嫌故殺或圍堵

故燒甚至官兵徇私巡差詭詐暴斂橫征顯違條約當經擇要照會日官查辦時值土人聯名擬逐內地華工該委員等到呂其禮遂經核核情形非設總領事不可其分設正副各領事暨駐劄處所由總領事因地制宜擇員稟委以期妥洽其抵新嘉坡也與原設領事左乘隆往見坡督各官禮意尚洽該處華民十五萬人富甲中各處除衙舍公產外所有實業華人居其八洋人僅得其二每年往來華工又最多英設華民政務司專理其事立法尚稱公允惟不向中國領事衙門報名隨意既不聯絡而目擊招工客館作奸欺騙無從禁止亦失保護之旨似應並由中國領事官稽查以重事權而免流弊至麻六甲檳榔嶼兩處與新嘉坡相連華商居多生意繁盛又附屬石耶阿國之吉隆卑卑力國之噶卑均向知保護華工華人開採錫礦者十餘萬眾富至百萬者數人服飾禮儀一如故鄉無所改換檳榔嶼一埠人才聰敏為諸埠之冠宜添設副領事一員與駐坡領事相助為理益可以收後效其抵緬甸之仰光也該處華人三萬餘眾設有富陽會館及各公司該員偏加訪察出產以米石為大宗寶石牛皮等物次之自英據其地收餉設成密邇越為中國隱憂此處宜設副領事聯絡商情必於邊事有益其抵日理也該處為原奏所未及華工亦為餘眾來自汕頭等處先由客頭帶至新嘉坡檳榔嶼與英官查過自願傭工者訂立華文合同往日理為傭所業種烟紫烟動奮者年中工餘洋銀百餘圓否則不足餬口工頭以賄傾其資繼以稱貸第二年復須留工則返鄉無日查荷官洋文章程內載工人有過准園主送官訊辦不得私自輟機做工不得過三年之限限滿無論有無虧欠園主皆給予川資不得再留等語而園主陽奉陰違於華文合同內并不叙明任意處待經該委員等告知荷官始允設法整頓此處宜設副領事以資保護其抵加拉巴也該處華民七萬餘眾荷人捐稅繁多賄風尤熾甚至迫令入彼國籍其附近之波哥內華文丁內華文皆有華人聚處又有三寶壟疏羅及麥里分等處未及及加等處皆荷國屬地華人二十餘萬眾荷官橫肆暴虐該委員等接見華商備言其苦中國如欲保護小呂宋而外當以加拉巴為先該處宜設總領事兼辦三寶壟等處事務於荷屬各埠華人加以恩義數十萬之眾皆可附其分設副領事一切與小呂宋同其抵新金山山鉢打連也華工三千餘眾雪梨付近華人萬餘眾美利消卑旺加拉打卑必治活半八地坤卑紐加卑卑丹塔卑均屬新金山山外阜惟鹿斯市濱海係英司倫倫之省城又有湯市威路卑得尼利士卑及己谷卑等處華人自數百至千餘不等該委員皆勸加撫慰查新金山山外阜係澳洲土地利為五大洲之一地方遼闊物產繁多五金銀產華人至者頗多英欲阻之特立收稅之法每人納銀金十磅方准登岸聞有收至三十磅者似可援照美國總領事章程在雪梨大埠派設總領事一員總理雪梨及美利演亞都律索司倫倫各埠并紐計蘭島華人商務則華工得所庇倚謀生益覺有資其各處副領事可即令商人兼辦無須發給薪費此該委員先後稟報籌辦及回粵後面加詢考之大略情形也 此稿未完

此稿未完

此稿未完

此稿未完

此稿未完

新到各書

眼科醫士將到 (○) 啟者西醫羅倫士眼科中神手也生平精於醫學而於眼科為尤長前在倫敦架刺吉打孟買各地方均著盛名所有眼科雜症經其醫治無不應手獲痊如論近視遠視以及一切疑難之症均能勉期而愈茲將到叻中行世定於西四月八號即華本月二十七日即抵叻寓居地球場大酒店中茲特預為佈聞 諸君就教請 移玉惠臨為禱 大英一千八百八十八年三月二十一號 謹啟

新張佈告 (○) 啟者現余自行開創洋行一間在麻六甲街第五號門牌自作生理兼與諸君代辦歐洲貨物其字號曰買也公司 諸君賜顧請移 玉趾臨是荷 大英一千八百八十八年三月二十號 其也買也啟

線 轆 出 售




啟者本行專辦英國寶拿士市線轆房各色上等棉線轆發客此線轆與線球不同線身光滑於縫衣脚車手車最為合用每個足長一百碼價甚相宜會經呈請英國考驗幸蒙贊賞并賜金錢羊頭號標為記本行因此線轆久已盛行外國惟亞洲一帶向恐未有周知茲特辦此來叻俾得利便中華之用 諸君用始知余言之非虛 貴客光顧請認羊頭號標牌為記 庶免有誤 大英一千八百八十七年十一月三十號 香港希士洋行 新嘉坡代人明馬也公司謹啟

酒 品 出 賣

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香爽奈近有無恥之徒假冒本庄三品酒款式以魚目混珠情殊可恨嗣後 諸君買本行三品酒者請細認本號標牌之內有小紙包頭印明字號庶免有誤 諸君光顧請認明也公司字號為記 大英一千八百八十五年十二月十九號 大清光緒十一年 月 日 明馬也公司 謹啟

活 侯 亞 士 堅 公 司 告 白



啟者本公司向來開辦本坡久為中西 商翁所賞識茲承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉該公司由來開設英京歷久無異素為英國人所賞識不特為英國人所賞識又為鄰國人所賞識不特為鄰國人所賞識且為天下各國人所賞識蓋因該公司立心持平交遊盡善物料既美製作復精所以能遠近譽於本國鄰國及天下各國者皆為此也現計該公司所製造之機器甚多舉難以盡述更僕不可備數非親至該公司目擊斷不能信詳所見茲不過略舉其大概言之亦存什一於千百中之意耳至該公司現經運到本公司存貯代售其中件數堆積如山邱不可枚舉茲因篇幅太狹不能盡錄以備諸商翁覽覽擇其要而通行者略舉數端以為 諸君採擇焉如木厚木箱皮帶等其價較別家稍為相宜貨而亦視別家為特妙請 諸君移玉到本公司一觀真有所聞未盡所見之憾不啻遊山陰中道令人接應不暇矣至於本公司又有製造做大器之機器以及水厚等各機器亦是名目太多不能備列謹此奉告倘新貨然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴雙河邊橋頭有海關張以便寄隆 諸君選沽機器以及修理機器等事 諸君光臨請移玉趾是荷 大英一千八百八十七年十一月九號 活侯亞士堅公司謹啟

餉碼招商告示

(實勝越等處地方參政使司 為招商承餉事照得本國家所設之烟酒賭碼於西一千八百八十八年六月三十號即華戊子年五月二十一日即已到期照例先期招商承充本屆餉碼係於是年西七月一號即華五月二十二日起承辦以三年為期計開

起計而沙耶港亦在其內 以上各碼如入票承充者須用英字封固於西一千八百八十八年四月十六號即華戊子年三月初八日上午九點鐘以前寄交本參政司署以憑票取至於各票須書明烟碼願繳餉若干酒碼願繳餉若干賭碼願繳餉若干再結總費共銀若干以憑國家乘取不得執價高者得之例投標者須有保結之人並願實勝越國家所立之約而行不得違背此示知如有欲悉其詳細者可至本參政司署或在新嘉坡本國家代理人然申洋行詢問均可各宜踴躍投標幸無觀望特示 茲再申明各碼所得之利權如左 地界 烟碼由丹戎勝卓起至峇南港止 酒賭碼由丹戎勝卓起至沙耶港止 如有投得烟碼者或自行製造或由他處載來均從其便 凡投得烟碼者國家當派巡差二名在公司保護賭碼亦派二人至龜精大埠之賭場保護 烟碼零沽每元六錢港甘椒園及港主到買則每元當沽七錢五分而港主若買回至二千元不能再多重此通知 大英一千八百八十七年十二月三十一號

奇緣巧合 ○南洋市隱來函云吳某者大埔人也姑隱其名少時曾學買於惠州某地適隣居有一婦文君新寡不安於室時作出牆之紅杏遂與吳通焉居逾一年歡同魚水而伉儷不如也婦聞吳曰君若此終日營營所入有幾甲囑然曰手無三寸鐵全憑胼胝之功年中所得辛金計餘元耳倘有些資本以自立門面則年中百金不難致婦本饒於財者遂慨然以百金相贈曰將去好自爲之甲領金而出遂自謀生意焉無如時運不齊所謀輒阻不半載而百金消盡矣自度無顏以對婦遂爲母病也者特書泣語婦曰家慈病篤將歸以定省旦夕且別矣奈何婦曰此乃君之大事妾安敢強留望吉人天相早掛征帆免使妾望穿秋水他日悲歡雖變妾此身輕重專恃卿心望勿效覆薄子行爲可耳遂珍重而別甲歸家後無所事事往其一年遂來南洋婦自甲別後凡一二月即作一書詢病况問程期皆落殷洪濟之手候半載無音耗遂備費斧倩人帶之往大埔不期竟爲匪人得手誘之順流而下帶至香港遂爲鴿母帶之來叻居於長泰街之翠蘭堂倚門賣笑因兩年於茲矣幸當日該匪需婦時身價甚廉故未及一年鴿母之錢經已歸欸及今可自由而吳自至叻食力餬口蔗境未達鬱鬱不得志故每於傍晚散步街坊藉以消遣牢騷適該妓倚門瞻眺迎面相逢彼此都覺似曾相識兩相諦視妓曰得非吳郎乎負心人何至此吳亦憶及前年遂相將入各叙離緒悲喜交集妓責其爽約極力彌縫引過遂相和好如初妓聞吳現所執何業堪自給否吳曰現爲某店所僱月中薪水僅堪自給餘積則無有也妓曰妾口來叻藏有私蓄約百金君可携去營小販即應其外妾助於內何愁家道之不饒哉吳喜出望外遂於長泰街設店營生焉此數日前之事也若婦與吳合而離離而合此中變幻離奇之故一若有鬼神主便於其間皆受挫磨始成好事是亦情天新話也爰誌之

頑童亂水 ○打石街有粵童黃某偕有二童相友善均不悉其姓氏者然皆年屬垂髫行同僦僦戲無狀出入必借於廿五日黃率二童在該處之港中擬習泅水之技然均不識水性二童不敢游泳自如詎黃胆玩異常躍入港中戲爲出沒究之不善於泅滅頂占凶幸二童察覺尙早代爲呼救以故道上行人目擊情形始爲躍躍援救方免誤歸龍宮然而拯黃登岸時已目昏神疲不能起立後二童通報厥家其母始出厚謝救者徐負其子而歸嗣聞遺溺溺救其水始從口出而精神方得穩定云抑亦幸矣

搶案科定 ○前錄王阿河在福壽山街被何仙浦搶去銀二百一十元後爲二畫一十六號之列等差在長泰街執獲盜犯何仙浦逮案箇中情形前報備述廿五日經府憲提訊是案據情審定以何仙浦係搶掠歸案殊屬異常玩法遂判罰犯禁監六個月並充苦工示儆完案

夜行遇兇 ○粵人司徒方向在丹戎牛某木廠充當木師客靈頗積於廿四日爲同諧中人祭掃先墓醺醺備筵是夕祭畢諸人暢飲詎方散席而歸時已醉態醺醺幾若玉山將倒乃躑躅至途次不知避還何仇竟被一人突如其來前即出一刃遂向其頭斬去復傷其頸頸然急遁然方醉眼朦朧兒莫認當前仇敵不知阿誰以故受傷頗重倒地呻吟血紅染衣諒亦負痛難耐後有夥伴夜出而歸道經此間始知爲方被兇所傷乃昇詣醫廠而遭醫敷治焉然方之受傷究亦不知阿誰所見也迨至翌早有其同諧之人名阿柏者向與方同廠工作素相無異於是早柏不出一言竟爾拾其行李潛爲逃去至今不見歸與而踪跡亦不知其下落於是疑之者據謂先是柏有一妓頗深膠漆之情後遂爲方奪去居然營厥金屋以貯阿嬌以故錯情莫洩憤火常焚但未得其開以爲熱血故於是夕方赴騰暢飲遂懷刃伺途乃下此毒手稍仲生平積憤迨至事成又恐春光易洩致干不便故勃然而起以作先驅之舉人言如是然耶否耶本報不敢預決也姑照有聞必錄之例以紀其事俟有後聞再爲續報

嚴懲偽販 ○吉寧人某甲向以販賣生牛乳營生然甲賦性詭僻所販生乳往往以水和之始爲發售時有某乙日本人也寓於小坡大馬路常與甲沽買生乳取而食之知該乳中必有私沖以水者乃謂甲曰爾所販之乳不可以水和沖恐致傷生之虞倘此後交來之乳不可以偽庄行欺也否則賒貨所值吾不給之詎於廿四日甲復復生乳依然偽沖以水乙不甘故不給其資賒之使去執意甲故爲強索互與唇鎗幾至用武迨爲巡差察覺目擊情形併執案廿五日經太守提訊廉得其情乃判甲以水偽乳賈賈有傷生人遂罰甲英銀貳十五元罰款繳呈猶須覓有保人署立保券銀五十元保其三月內永不偽庄生乳方准開銷而乙係屬無辜因命當堂開釋而此案遂完

京報選錄 ○大學士直隸總督一等伯臣李鴻章頭品頂戴山東巡撫臣張曜跪 奏爲挑濬直隸之南運減河並建閘座修築隄橋各要工防守大汛一律竣事遵保尤爲出力各員恭摺仰祈 聖鑒事竊前因看東境內南運各減河久廢每遇大汛必漲沿河險工迭出屢爲畿南之患雖於靜海縣之斬官屯新濬減河一道惟宜洩尤重上海須開通東境恩縣四女寺原有減河便其另途歸海方爲釜底抽薪之計經臣等會商遴派直隸候補道金福曾詳細勘籌應自恩縣四女寺起經德州至直境吳橋寧津南皮鹽山經雲又入東境樂陵海豐德縣節節挑挖並將河頭壩基移進數十丈另築新基改壩建閘及修築隄橋梁等項估需銀十餘萬兩擬由臣等合力籌款責成金福曾督同兩省印委各分段落招集客民酌給方價以工代賑事竣將出力各員援照河工獎章擇尤酌保當於本年二月會 奏奉 硃批著照所請該部知道欽此欽遵在案開凍後飭屬分投興辦五六月間陸續報竣臣等各派員前往驗收相符計減河在東境者恩縣德州樂陵海豐四州縣工長二萬一千

七百六十餘丈在直境者吳橋甯津南皮鹽山慶雲五縣工長三萬三千六十餘丈計兩省工長五萬四千八百三十丈挑寬八丈至十一丈
就地勢高下挑深一丈及三四尺共挑土一百二十萬一千餘方又河頭改建五孔石閘一座每孔寬一丈六尺進深三丈闊四車並上下石
海濤灰海濤起馬頭東水石壩又直東境內隄橋各工暨南皮甯津之甯津河堤統計工程甚巨訊前一律趕辦竣事南運河來源過旺六月
以後迭次盛漲且因借黃濟運黃水屢由開河灌注入運迭據稟報四女寺閘口水漲至一丈九尺餘情形吃重堤岸岌岌可危當飭開閘洩
減河酒酒下注直至海豐併入海口正河水勢頗平八月初十日前後黃水灌注益多尤為近年所未有而上下數百里運道皆化險為夷實賴
新開減河通暢洩水得力所致兩岸共慶安瀾附近河灘地亦可耕種海口運貨船隻直抵慶雲以上小舟且上至閘口商民稱便於畿南水
道民生裨益匪細惟挑河工段過長土方至一百二十餘萬之多老沙堅結圖難施其建閘築堤修橋亦極繁重是以需員較多用倍增倍該
員等自去冬估辦至本年五六月工竣歷時七八月之久不避寒暑胼胝經營勞苦甚又防守大汛分投搶護使減水暢滑沿河胥免昏墊洵
屬異常出力若照部議僅按局務勞績請獎翎銜等項不足以昭激勸此河關係畿南兩省利病甚鉅非尋常一隅挑築可比應請仍遵前奉
諭旨按照河工獎章核辦飭金福會擇尤開保前來除履歷冊咨部外相應繕摺呈 御覽仰懇 天恩俯准照例給獎三品銜直隸候補道
金福會統籌督率調度有方並請 旨賞給二品銜其應給千把外各弁照章咨部註冊謹合詞恭摺具陳伏乞 皇太后 皇上聖鑒訓示謹
奏奉 硃批該部議奏單併發欽此 ○李鴻章片 再直隸入冬後雪澤愆期十月杪畿南各州縣得雪甚少未能普徧迭經各地方官虔
誠祈禱十二月初三四等二得雪二三寸不等南路大名各屬有至四五寸及八寸者省城一帶又得雪五寸餘各屬雖未據報齊而此次雪意
甚濃應已一律霑澤麥田滋潤民氣綏和堪以仰慰 宸廑理合附具陳伏乞 聖鑒謹 奏奉 硃批知道了欽此 ○恭錄片 再據齊宇
營統特爾慶阿等統領額爾等呈稱右翼統領傅爾托善於本年九月初五日病故遵照即呈請原任 欽差練兵大臣穆圖善派員接統未奉
核辦茲值換練之期統領重任未便久虛應請迅即派充等情前來奴才查有花翎副都統銜黑龍江城協領雙福久歷戎行迭著戰功堪以派
往充當齊宇營右翼統領之任除檄飭外請附片陳明伏乞 聖鑒謹 奏奉 硃批知道了欽此

大英國欽命叻嶼甲三州府輔政使司 為招商承餉事照得三州府所設之烟酒兩碼將已到期照例先期招商承充本屆餉碼係於西
一千八百八十九年正月一號起承辦以三年為期計開 新嘉坡烟酒碼 檳榔嶼烟酒碼 麻六甲烟酒碼 以上各碼如
入票承充者或一碼或數碼須於英本年九月三號十二點鐘以前將票寄交新嘉坡輔政司或檳榔嶼麻六甲參政司其票內要書明
投票人之姓名住址事業以及担保之人零沽烟價在叻嶼二處每兩最多沽銀二元二角每錢沽銀二角六占在甲卑每兩沽銀二元
每錢沽銀二角四占在甲山頂則每兩僅沽銀一元七角每錢沽銀一角七占各票或棄或取皆由國家主裁酌量辦理務期利便投票
人不得執價高者得之例凡有欲知詳細者可到叻坡輔政司署或嶼甲二參政司署詢問便知一切此示
大英一千八百八十八年四月七號 大清光緒十四年戊子二月二十六日

大英國駐劄芙蓉詩林萬等處地方參政司 為招商承餉事照得芙蓉全境除龍宜宋宜勝爺盧骨三處之外向設有烟土碼酒碼以及
賭當二碼今將到期故照例先期招商入票承充本屆餉碼係於一千八百八十九年正月一號起承辦以三年為期計開芙蓉全境除
龍宜宋宜勝爺盧骨三處地方以外之 烟土碼 此碼每土一粒可抽稅銀六元 酒碼 此碼可以自行造酒發賣並可出牌與別
人販賣凡遇載酒進境者除龍宜等三處以外亦可照王家所定之稅則抽稅 賭當兩碼 此二碼須照王家隨時所出之規條而行
再字厘至各碼與以上之碼相同現亦招商入票承充凡有欲知詳細者可到芙蓉參政司署詢問便知抑付信往查亦無不可但各票
須於英本年九月三號十二點鐘以前送往詩林萬參政司署或乘或取均由王家定奪不得執價高者得之例先此示明以免後論
大英一千八百八十八年四月七號 大清光緒十四年二月二十六日

大英國駐劄能記厘甚味蘭等處地方參政司 為招商承餉事照得本境各餉碼將已到期茲將先期招商入票承充並將各處餉碼列
明於左 一林卯全境賣片烟餉碼 二檳濱 古盧全境賣片烟餉碼 三裕何 嚴冥仄 伊拿全境賣片烟餉碼 凡屬錫蘭餉
主 國家准其餉碼官買烟土每粒價銀二十三元不得不得賣 四詩厘味蘭地境內 鳴盧慢 梁寶 礁勝橋牛耶巴些等處地方
之抽煙土稅餉碼 此碼每土一箱四十粒準抽稅銀二百八十元 五林卯全境賭碼當碼酒碼 六檳濱古盧全境賭碼當碼酒碼
七裕何嚴冥仄伊拿全境賭碼當碼酒碼 八詩釐米蘭地境內鳴盧慢梁寶礁勝橋牛耶巴些等處地方之賭碼當碼酒碼 凡有欲
知各碼詳細者可到麻六甲參政司署或能記厘甚味蘭參政司署詢問便知一切第一二三四碼分投亦可同投亦可
第五六七八四碼亦如之但各票須於英本年九月三號十二點鐘以前送往麻六甲參政司署或乘或取均由 國家定奪不得執價
高者得之例先此示明以免後論 大英一千八百八十八年四月七號 大清光緒十四年二月二十六日

示 大英一千八百八十八年四月七號 大清光緒十四年二月二十六日

示 大英一千八百八十八年四月七號 大清光緒十四年二月二十六日

示 大英一千八百八十八年四月七號 大清光緒十四年二月二十六日

[illegible]

啟者本行向代理大英北方商務保險公司專代 諸君承保洋面平安素蒙
爲略列如左 一號保險每值百元保費銀五角另扣同十八仙與投保者
保險每值百元保費銀一元二角五仙亦扣同十八仙 雖實保險其實置於
其餘各貨如欲買保者請至本行面商價甚相宜此佈 大英一千八百八

惠顧按本公司更增設火燭保險以保準中平安價甚相宜茲
土油保險每值百元保費銀一元五角亦扣同十八仙 煤炭
戎巴葛貨棧內者每值百元保費銀一元莫亦扣同十八仙
六年十一月二十九號 代理人明嗎咭洋行謹啟

實得力保險有限公司告白 ○敬啟者本公司開設以來與諸君受洋面保險及火燭保險等計洋面保險共集老本銀三百萬元現已收銀六十萬元盈餘積項二十萬元所有洋面往來船貨等物均能代保平安 其火燭保險計集老本銀二百萬元現收銀四十萬元所有洋行店戶住屋棧房等均能代保年終核算之時更贈花紅分與買保 諸君所得且保價甚屬相宜誠於買保之人有益至本公司章程之佳辦理之善實與他家不同倘 諸君有惠顧者請即移玉惠臨相商便妥特此佈聞
大英一千八百八十八年正月二十五號
實得力公司總理人可洛不加謹啟

輪 船 開 行

○敬啟者茲本館之報按 必將出口之

各輪船行期詳登凡有輪船之公司行號見報爲之先期佈告使人周知以便招接載運不無補益產爲利便之舉但本館記事浩繁逐一詢問恐或有遺茲擬與本坡凡有輪船各行公司行號約如遇寶號出口之船某日展輪解纜自有定期務祈先將船期示知俾本館以便照登則欲附貨搭客者可得先事而備自無後至之虞不費之剽諒 諸君之樂從也再者諸君送來之稿祈於每日三點鐘以前交到始能照刊若過三點鐘則本館經已排印不能照錄俟當下日始能錄出尙祈見諒特此 佈聞 本館謹白

網咯	納閣	仙那簡	麻六甲	麻六甲	吉朧	實勝俄	網略	麻六甲	吉朧	實勝俄	白蠟	檳榔	香港	上海	彼烟澳
乃低老輪船	伯南火船	又	邊治輪船	萬里洞火船	又	又	面柳沙輪船	巴老士輪船	又	又	又	檳榔嶼	棉蘭魯士火船	又	之西廊輪船
廿八日	廿八日	又	廿八日	廿八日	又	又	廿八日	廿九日	又	又	又	又	廿九日	又	名曰棉老蛙
上午九點	下午二點	又	下午二點	下午三點	又	又	下午四點	下午三點	又	又	又	又	下午四點	又	准于
開行	開行	又	棉示必洋行	開行	又	又	棉示必洋行	莫實德洋行	又	又	又	又	開行	又	西本月